




Republic of the Philippines
Department of Environment and Natural Resources
MIMAROPA Region
PROVINCIAL ENVIRONMENT AND NATURAL RESOURCES OFFICE

NOV 10 2022



MEMORANDUM

FOR : The Regional Executive Director
DENR MIMAROPA Region
1515 DENR By the Bay Building, Roxas Boulevard,
Barangay 668, Ermita, Manila

THRU : The ARD for Technical Services

FROM : The OIC, PENR Officer

SUBJECT : **MINUTES OF THE MEETING BETWEEN SADIK-HABANAN BUHID INC., NCIP AND DENR THROUGH A COMBINATION OF VIRTUAL CONFERENCE VIA ZOOM FACE TO FACE MODALITY HELD ON OCTOBER 27, 2022**

Forwarded is the memorandum dated November 3, 2022 of PASu of Mounts Iglit-Baco Natural Park regarding Minutes of the meeting between Sadik-Habanan Buhid Inc., NCIP and Department of Environment and Natural Resources (DENR) through combination of virtual conference via zoom and face-to-face modality held on October 27, 2022 at Seasons Hotel and Convention Center, San Roque, San Jose, Occidental Mindoro.

The meeting was convened upon request of the Sadik-Habanan Buhid Inc. (SHBI), to discuss matters regarding the registration of their CADT and concerns regarding issued CLOAs within their ancestral domain. It was attended by the representatives from IP communities with jurisdiction over the CADT of Buhid-Bangon and different officials from DENR.

Attached with the report are the attendance and geotagged pictures taken during the said event.

For information and record.

For the OIC, PENR Officer:

CELSO B. ALMAZAN
SVEMS/ Chief, TSD

TSD-CDS11/9/2022

Copy Furnished:

1. Planning Section
2. File

So. Pag-asa, Brgy. Payompon, Mamburao, Occidental Mindoro
Email: penroccmin@denr.gov.ph



Republic of the Philippines
Department of Environment and Natural Resources
MIMAROPA Region
Provincial Environment and Natural Resources Office
MOUNTS IGLIT-BACO NATURAL PARK
PROTECTED AREA MANAGEMENT OFFICE

November 3, 2022

MEMORANDUM

FOR : The Regional Executive Director
DENR MIMAROPA Region
1515 DENR By the Bay Bldg., Roxas Blvd., Ermita, Manila

THRU : The OIC, PENRO Officer
Mamburao, Occidental Mindoro

FROM : The Protected Area Superintendent
Mts. Iglit-Baco Natural Park

SUBJECT : **MINUTES OF THE MEETING BETWEEN SADIK-HABANAN BUHID INC., NCIP AND DENR THROUGH A COMBINATION OF VIRTUAL CONFERENCE VIA ZOOM AND FACE TO FACE MODALITY HELD ON OCTOBER 27, 2022 AT SEASONS HOTEL AND CONVENTION CENTER, SAN ROQUE, SAN JOSE, OCCIDENTAL MINDORO**

Respectfully submitted herewith the minutes of the conducted meeting between Sadik - Habanan Buhid Inc. (SHBI), National Commission on Indigenous People (NCIP), and Department of Environment and Natural Resources (DENR) through a combination of virtual conference via Zoom and face-to-face modality held on October 27, 2022, at Seasons Hotel and Convention Center, San Roque, San Jose, Occidental Mindoro.


Related hereto, the said meeting was convened upon the request of the SHBI to discuss matters regarding the registration of their CADT and concerns regarding issued CLOAs within their ancestral domain. It was attended by the representatives from IP communities with jurisdiction over the CADT of Buhid-Bangon and different officials from DENR.

Further, based on the proceedings, three (3) agreements were made regarding the matters discussed.

For information and record.


HECTOR S. ARAGON, JR.

CC: NCIP Roxas, Oriental Mindoro
Sadik-Habanan Buhid Inc.





Republic of the Philippines
Department of Environment and Natural Resources
MIMAROPA Region
MTS. IGLIT-BACO NATURAL PARK
PROTECTED AREA MANAGEMENT OFFICE

KATITIKAN NG PAGPUPULONG SA PAGITAN NG SADIK-HABANAN BUHID INC., NCIP AT DENR NOONG IKA-27 NG OKTOBRE TAONG 2022, SA PAMAMAGITAN NG VIRTUAL CONFERENCE AT HARAPANG PAGPUPULONG NA GINANAP SA SEASONS HOTEL AND CONVENTION CENTER, SAN ROQUE, SAN JOSE, OCCIDENTAL MINDORO.

A. Panimulang Gawain

Nagsimula ang pagtatala ng pangalan ng mga dumalo para sa harapang pagpupulong at pagtanggap sa mga nakibahagi sa video conference via zoom videoconferencing application dakong 09:30 ng gabi. Bago ang pagsisimula, binati ni PASu RED Lormelyn E. Claudio ang mga miyembro ng Sadik-Habanan Buhid Inc. na dumalo sa pamamaagitan ng harapang pagpupulong.

MGA DUMALO:

*(Base sa opisyal na talaan ng mga nakadalo sa pamamagitan ng harapang pagpupulong na makikita sa **Attachment 1.**)*

- | | |
|--------------------------------------|--------------------------------|
| 1. CENRO Caesar E. Quebec | - Roxas, Oriental Mindoro |
| 2. CENRO Rodel M. Boyles | - Socorro, Oriental Mindoro |
| 3. OIC, PENRO Ernesto E. Tañada | - Occidental Mindoro |
| 4. G. Lagtum Pasag | - SHBI |
| 5. G. Erick Igmay | - SHBI |
| 6. G. Julius Reyes | - IPMR |
| 7. G. Wag-ay Ramos | - SHBI |
| 8. G. Yawin-ay Giayan | - Chairman, SHBI |
| 9. G. Wanito Upeg | - Lider, Sitio Natob |
| 10. CENRO Anastacio A. Santos | - Sablayan, Occidental Mindoro |
| 11. G. Dama Igna | - SHBI |
| 12. Engr. Haydee Baggay | - DENR MIMAROPA Region |
| 13. RED Lormelyn E. Claudio, CESO IV | - DENR MIMAROPA Region |
| 14. CENRO Efren L. Delos Reyes | - San Jose, Occidental Mindoro |
| 15. OIC, PENRO Allan L. Valle | - Oriental Mindoro |
| 16. For. Hector S. Aragones | - PASu, MIBNP |
| 17. G. Neil Anthony A. Del Mundo | - Coordinator, TCP |
| 18. G. Jaylord D. Evora | - EMS 1, MIBNP-PAMO |
| 19. G. John Paul M. Santelices | - Planning Officer, MIBNP-PAMO |
| 20. G. Paul Allan M. Umale | - Technical Staff, MIBNP-PAMO |

1. Pagsisimula at Pagbubukas ng Pagpupulong

Pormal na binuksan ang pagpupulong dakong ika-09:35 ng gabi. Bilang taga-pangulo, pinasinayaan ni RED Lormelyn E. Claudio ang pagbubukas ng pagpupulong at pagtalakay sa itinakdang usapin.

2. Pagpapaunlak at pagkilala sa mga Dumalo

Pinaunlakan ni RED Claudio ang pagpupulong sa pamamagitan ng isang pagpapakilala. Binati niya ang mga dumalo sa harapang pagpupulong gayundin ang mga dumalo sa pamamagitan ng Zoom application. Sinuhestiyon din niya na mangyareng magpakilala muna ang bawat isa sa mga dumalo.

B. Karampatang Pagpupulong

1. Pagtanggap sa mga Panauhing Dumalo

Matapos magpakilala at masiyasat ng bawat isa ang mga panauhing dumalo, pormal ng sinimulan ang pagpupulong.

2. Pagtalakay sa Nakahaing Usapin o Agenda

Sa pagsisimula, nagpahayag ng opinyon si G. Yawinay Giayan, taga-pangulo ng samahang Sadik-Habanan Buhid Inc. (SHBI) patungkol sa usapin ng kanilang lupang ninuno at sa pagpapatuloy ng magandang ugnayan sa pagitan ng mga katutubo at gobyerno. Aniya, nababatid nila na kailangan din sila ng DENR para sa mga proyekto nito na nasasakupan o nakapaloob sa kanilang lupain, kung kayat, sa panig nila ay nararapat lang na sila ay tulungan din ng DENR sa kanilang mga ninanais partikular sa usapin ng kanilang CADT. Inihayag din niya ang kanilang hinaing patungkol sa mga na-isyung Certificate of Land Ownership Award o CLOA sa loob ng kanilang lupang ninuno.

Sinagot at sinabi ni CENRO Rodel Boyles, mula sa CENRO ng Socorro na ang tinutukoy na CLOA ng mga taga-SHBI ay nasa parte ng munisipalidad ng Bansud, Oriental Mindoro. Ito ay ang mga forestland na naproklama nuong panahon ng dating Pangulong Marcos bago ganap na pasukin ng Department of Agrarian Reform o DAR. Ibinahagi din niya na maraming modalidad ang pamamahala sa pinangangalagaang pook noong araw, kabilang dito ang Indigenous Community Conserved Areas (IICA), Local Conservation Areas at marami pang iba. Sinabi din niya na dapat tipunin ng DENR ang mga mapa ng CSC, NGP at iba pa upang magamit sa pag-hihiwalay ng mga pribado at tituladong lupa sa CADT ng mga katutubo. Samantala, ang NCIP naman ay maaring makipag-ugnayan sa DAR-Regional Office para humingi ng Technical Description ng mga na-isyung CLOA sa loob ng CADT ng Buhid at Bangon.

Samantala, iprenesenta ni G. Efren Delos Reyes, CENRO ng San Jose, ang mapa ng lupang ninuno ng tribung Buhid at Bangon sa pamamagitan ng datus na nakalap nila mula sa tanggapan National Indigenous Commission o NCIP. Batay sa presentasyon, lumalabas na walong bayan ang nakakasakop sa nasabing lupain, kabilang dito ang mga bayan ng San Jose, Calintaan, Rizal, at Sablayan sa probinsya ng Occidental Mindoro, at mga bayan naman ng Bansud, Bongabong, Roxas at Mansalay sa probinsya ng Oriental Mindoro. Ayon pa sa kanya, walang CLOA na naisyu sa parte ng Occidental Mindoro base sa ginawa nilang pagsisiyasat at mga datus na may'roon sila. Sa makatuwid, walang problema ang CADT ng Buhid-Bangon sa parte ng CENRO San Jose maliban nalang sa mga lugar na sakop ng CADT na mayroong National Greening Program o NGP.

Iminungkahi din ni CENRO Delos Reyes na habang wala pang rehistro ng CADT ang mga kapatid na katutubo, mapapakinabanagan nila ang pagkuha ng Certificate of Stewardship Contract o CSC, lalong-lalo na ngayon na marami sa mga lugar na may NGP sa loob ng CADT ay maari ng mapakinabangan ang mga punong-kahoy, partikular ang mga gmelina.

Inihayag naman ni PENRO Valle na kung mayroon mang na-isyung CLOA ang DAR sa loob ng CADT, siguradong may tala o record ang DENR ng mga ito. Sapagkat ayon sa kanya, ang DENR lang ang siyang may kapangyarihan na mag-apruba sa mga survey plan. Sinabi din niya na ang NCIP ay kinakailangan lang na makipag-ugnayan sa DAR Regional Office para sa mga datus na kikakailangan ng DENR para matukoy ang eksaktong lokasyon, lawak, at hangganan at CADT ng Buhid-Bangon at maibukod ang mga may CLOA mula dito.

Nagpaliwanag naman si Engineer Haydee Baggay mula sa DENR-MIMAROPA Regional Office - Surveys and Mapping Division patungkol sa pahayag ni PENRO Valle. Ayon sa kaniya, dapat na manggaling sa NCIP ang endorsement kasama ang mga

kinakailangang datus papunta sa DENR nang sa ganun ay mai-mapa, matukoy at malaman ng DENR Regional Office ang eksaktong dami o sukat ng mga pribadong lote na nasa loob ng CADT ng tribung Buhid at Bangon.

Sinabi naman ni G. Pasag na sa pagkakaalam niya ay mayroong sinimulang mapa si Engr. Mapale, ang geodetic engineer na nakatutok sa kanila.

Dahil dito, sinuhestiyon ni RED Claudio kay G. Pasag na ibigay ang detalye ni Engr. Mapale kay Engr. Baggay upang sila na ang mag-usap tungkol sa nasabing mapa. Dagdag pa niya, mayroon nang na-hired ang NCIP na bagong geodetic engineer base sa naging pag-uusap nila ni Dr. Marie Grace T. Pascua, ang Regional Director ng NCIP MIMAROPA. Nasambit din ni RED Claudio na si Engr. Baggay ang tututok at magsisilbing taga-pagsalita ng DENR Regional Office para sa pag-mamapa ng CADT ng Buhid at Bangon.

Sa kabilang dako, sinabi ni RED Claudio sa mga taga-SHBI na handa ang DENR na tumulong para sa pagpaparehistro ng kanilang CADT at ito ay pagtutuunan nila ng pansin. Nabanggit din niya na ang tungkol sa bagay na ito ay napag-usapan na nila kasama ang Chief ng Surveys and Mapping Division (SMD) at PENRO Valle. Ayon pa sa kanya, nababatid nila ang usapin ng CADT/CADC sa Oriental Mindoro, subalit pagdating sa mga lugar na nakakasakop at nag-ooverlap sa lupang ninuno ng Buhid at Bangon ay wala silang datus o sapat na kaalaman. Ganun pa man, inihayag ni RED Claudio na sa tulong ng mga taga-SHBI na maibigay ang mga kopya ng CLOA at iba pang mga kinakailangang datus upang mai-project ang lupang ninuno at mai-bukod ang mga tukoy na pribadong lupain mula dito, ang DENR ay makakapag-bigay ng karampatang tulong upang tuluyan nang makamit ng SHBI ang kanilang CADT. Dagdag pa niya, mas mainam na maibigay ng SHBI ang mga kinakailangang datus sa halip na unahin ang usapin ng pag-papanumbalik ng mga CLOA at kaparehas na usapin dahil marami pa itong pagdadaan na proseso na magresulta lang ng lalong pagka-antala sa pagpaparehistro ng kanilang CADT.

Nagpahayag naman ng opinyon si G. Pasag patungkol sa usapin ng CLOA, aniya, batid nilang mahabang usapin ang CLOA, kung kaya't sa ginawa nilang kapasiyahan kasama si Rey Luna at iba pa, nagdesisyon sila na isantabi na muna ang usaping ito.

Kaya sinabi ni RED Claudio na ibigay at ipadala kaagad ng SHBI ang mga kinakailangang datus na sa palagay nila ay makakatulong para sa pag-mamapa ng kanilang CADT habang ang DENR ay nakikipag-ugnayan sa ibang ahensya at nangangalap din ng iba pang datus at basehan.

Samantala, nagpahayag ng suhestiyon si G. Giayan, ayon sa kanya, ang kahilingan niya at ng buong pamayanang katutubo ay ang maibigay ang kanilang titulo upang maalis ang kanilang mga agam-agam. Sinabi din niya na dahil sa karanasan at mahabang panahon ng pakikipag-ugnayan sa gobyerno, mahirap ng maniwala sa salita lang, kung kaya't nais nilang makasiguro at makita kung hanggang saan talaga ang pagpupursige ng gobyerno na sila ay matulungan. Sinambit din niya na sa parte ng mga katutubo, kung nakikita naman nila na maganda at mapapakinabangan ang mga proyekto ng gobyerno, sila ay mabilis na sumasang-ayon, subalit dahil sa karanasan, sila ay nahihirapang mag-desisyon.

Sumagot si RED Claudio at sinabing naiinitindihan ng pamunuan ng DENR ang kanilang hinaing at kalagayan, dahil dito sinabi nya na subukan ang DENR dahil aniya ay makakaasa ang mga kapatid na katutubo na tutulungan sila sa usapin ng kanilang CADT. Ayon pa sa kanya, ninanais din ng DENR na mapabilis ang pagpaparehistro ng CADT ng Buhid at Bangon nang sa ganun ay maging maayos at matapos na ang planong paglalagay ng mga tanda o signages sa mga pagitan ng MIBNP. Sinabi din niya na bilang tulong sa mga katutubo, makikipag-ugnayan ang DENR sa DTI at TESDA base na din sa napagkasunduan sa huling pagpupulong. Ibinahagi din ni RED Claudio ang kanilang karanasan pagdating sa usapin ng CADT kung kaya't ang pamunuan ng DENR ay ispirado at may kumpyansa na mangako na tutulong sa pagpaparehistro ng CADT ng katutubong

Buhid at Bangon. Dagdag pa niya, nais din nila na sa panahon na ito ay mangyayare na ang matagal nang minimithi ng katutubong pamayanan ng Buhid at Bangon para sa kanilang lupang ninuno.

Iminungkahi ni RED Claudio na sinang-ayunan at pinangalawahan nina CENRO Santos at PENRO Valle ang kasunduan sa pagitan ng DENR at SHBI base sa mga naging rekomendasyon nina PENRO Tanada, PENRO Valle, CENRO Santos, CENRO Delos Reyes, CENRO Boyles, CENRO Quebec at Eng. Bannag, na hihintayin ng DENR ang natipon na mapa ng mga CLOA at ano mang mayroon ang SHBI na maaring magamit sa pag-project at pag-sesegregate ng mga tituladong lupain sa loob ng CADT, upang mabigyan ng DENR ang SHBI ng Certificate of Non-Overlap o CNO kung walang makikitang problema.

Nagpayahag naman ng hinaing si G. Pasag patungkol sa paghingi nila ng kopya ng mga naisyung CLOA sa loob ng kanilang CADT sa DAR. Aniya, ikinalulungkot niya na hindi nila kayang ibigay ang hinihingi ng DENR, sapagkat mangilang beses na umano silang lumapit sa kinauukulan, ngunit nabigo silang makahingi ng mga kopya ng mga nasabing CLOA.

Sumagot si RED Claudio at sinabing kailangan lang sumulat ng SHBI o NCIP sa DAR, sapagkat may karapatan sila na hingin ang mga datus patungkol sa mg ana-isyung CLOA sa loob ng kanilang lupang ninuno. Dagdag pa niya, maari ding lumapit ang mga taga-SHBI sa mas mataas na kinauukulan para idulog ang kanilang kahilingan.

Idinagdag ni PENRO Valle na hindi naman kanakailangan na kopya ng CLOA ang hingin ng SHBI kundi mapa o survey plan. Kailangan lang sumulat ng mga taga-SHBI o NCIP sa DAR-Regional Office para humingi ng aprubadong survey plan.

Dahil dito, sinabi ni G. Pasag na susubukan nilang kolektahin ang mga nasabing dokumento na hinihiningi ng DENR. Tinukoy din niya ang mga lugar na may CLOA sa loob ng kanilang CADT. Ayon sa kanya, ang mga ito ay sa may bandang Ilog ng Bongabong, sa may Panluan. Nabanggit din niya na may kaibigan sila mula sa isang NGO na may ginawang mapa na naka-project ang mga tituladong lupa. Sinabi niya na baka makakatulong ang Technical Description (TD) ng kanilang CADT. Kasabay nito, inihayag din niya ang kanyang interes sa tulo-tuloy na pakikipag-ugnayan kina PENRO Valle, CENRO Boyles, CENRO Quebec, at PASu Aragones para sa pagpaparehistro ng kanilang CADT.

Dahil dito, sinuhestiyon ni RED Claudio na ibigay ng SHBI sa mas lalong madaling panahon ang ano mang mayroon sila, kabilang ang TD ng kanilang CADT upang mas mapabilis ang proseso ng pag-mamapa at pag-sesegregate.

Samantala, nagpahayag ng opinion si G. Dama Igna, representatante ng katutubong pamayanan mula sa munisipalidad ng Bansud, Oriental Mindoro. Aiya, batid nila na minamadali ng MIBNP-PAMO sa pamumuno ni PASu Aragones ang pagtatayo ng mga signages o tanda sa pagitan ng MIBNP na nasasakupan din ng kanilang lupang ninuno. Subalit hindi pa umano sila magkasundo sapagkat hindi pa nila nakakamit o dumadating ang kanilang kahilingan na CADT. Nilinaw din niya na hangga't hindi pa na-sesegregate ang CLOA sa loob ng kanilang CADT ay hindi pa nila pipirmahan ang kasunduan sa pagitan ng SHBI at MIBNP-PAMO para sa pagtatayo ng mga signages. Sinang-ayunan din niya ang rekomendasyon ng DENR na ibigay ng SHBI ang mga hinihingi nito para sa pag-project ng kanilang lupang ninuno. Hiniling din niya na makipag-ugnayan ang DENR sa tanggapan ng Land Registration Authority o LRA para sa pag-paparehistro ng kanilang CADT.

Sinabi din ni G. Igna na sa mga hinihingi ng DENR, lalong-lalo na ang kopya ng mga CLOA at mapa sa loob ng kanilang CADT, kung ano man daw ang kanilang makayanang makalap at maibigay ay hanggang dun na lamang ang kanilang gagawin at

ang DENR na ang bahalang gumawa ng paraan para sa mga katutubo. Bago tapusin ni G. Igna ang kanyang pagsasalita, muli nyang nilinaw at ipinakiusap sa DENR na hanggat hindi pa pirmado ang kanilang CADT ay hindi din siya pipirma sa ginawang kasunduan para sa pagtatayo ng mga signages sa pag-itan ng MIBNP.

Iminungkahi ni RED Claudio at pinangalawahan nina G. Igna at at PENRO Valle ang kahilingan ng SHBI na makipag-ugnayan ang DENR sa ibang ahensya ng gobyerno para sa pagpaparehistro ng CADT ng Buhid at Bangon.

Sa pagpapatuloy ng pagpupulong, ipinayo ni G. Igna na sa pag-sesegregate ay malaman sana nila kung ilang ektarya ang sakop ng CLOA sa loob ng kanilang CADT at malaman din kung ilan ang bilang ng mga individual na may titulo na mas naunang naisyuhan bago pa maipasa at maisabatas ang IPRA.

Tumugon at sinabi ni RED Claudio na makikita at malalaman ito ng DENR sa proseso ng pagtukoy at pag-sesegregate ng CLOA sa CADT. Idinagdag din niya na mag-iisya ang DENR ng Certificate of Non-Overlap kung walang magiging problema sa gagawing pag-mamapa. Samantala, hiniling ni RED Claudio na kung maaari ng simulan ang paglalagay ng signages kapag naibigay na ng SHBI ang mga hinihinging datus ng DENR at nakikita na ng mga katutubo na nagsisimula na ang pagmamapa ng kanilang CADT. Ayon pa sa kanya, mahalaga ang paglalagay ng mga signages o tanda sa mga pagitan ng MIBNP dahil ito ay pabor din para sa mga katutubo.

Sumagot si G. Giayan at sinabi na bilang mga lider ng mga katutubo na humaharap sa mga pag-pupulong, responsibilidad nila na iparating ang mga nais mangyare ng kanilang tribu at pamayanan. Aniya, sa panig ng mga katutubo, nais nilang mangyare at makita ang resulta ng mga ginagawang pagtulong ng gobyerno sa pagpaparehistro ng kanilang CADT. Ayon pa sa kanya, sa panig ng mga lider na katutubo, kung ang gobyerno ay lalapit sa kanila para sa mga proyektong alam nila na makabubuti at makakatulong sa mga katutubo ay hindi naman sila mahirap kausap.

Sinabi ni RED Claudio na marami pang programa ang DENR sa Oriental at Occidental Mindoro at nais nilang makasama ang mga katutubo sa pagpupursige ng mga proyekto lalong-lalo na sa mga lugar na sakop ng CADT. Binigyan din nya ng importansya at respeto ang katutubong pang-unawa sa pangangalaga ng kapaligiran.

Iminungkahi ni G. Giayan at pinangalawahan nina RED Claudio at PENRO Tañada ang kahilingang ng SHBI na sa mas lalong madaling panahon ay ipagpatuloy ang pagsasagawa ng mga napagkasunduan base sa naging pagpupulong, upang sabay na makamit ng DENR at ng pamayanang katutubo ang kani-kanilang hangarin.

Isinuwestyon ni RED Claudio kay PENRO Tañada at PASu Aragonas na kaagad na tukuyin ang mga programa ng DENR na maaring makatulong ang mga kapatid na katutubo sa pagpapatupad.

Masayang ibinahagi ni RED Claudio na nais din ni RD Grace T. Pascua ng NCIP MIMAROPA na maka-daupang palad ang mga taga-SHBI, at sinabi sa kanya ni RD Pascua na bibigyang atensyon ng kanilang geodetic engineer ang CADT ng Bangon at Buhid. Sinabi din ni RED Claudio na sa susunod na pagpupulong ay personal na niyang isasama si RD Pascua sa Mindoro.

Samantala, natutuwang sinabi ni G. Giayan na kung makikita ng mga katutubo ang magandang resulta ng pagtulong ng DENR para sa kanilang CADT, sa susunod na pagpupulong ay maaring mas madami na ang makadalo.

Sumagot si RED Claudio na paghahandaan ng DENR ang nasabing pagpupulong. Kasabay nito ibinahagi niya ang pagpupursige at pagsisikap na ginagawa nila upang mapagtuunan ng pansin ang usapin ng CADT ng Buhid-Bangon.

Ibinahagi din ni PENRO Tañada na kahit gabi na ay pinilit nilang makadalo noong una at kasalukuyang pagpupulong para sa usapin ng pagpaparehistro ng CADT ng Buhid-Bangon. Dagdag pa niya, magtiwala ang SHBI dahil desidido ang DENR na matulungan sila sa kanilang CADT at hangad din ng DENR na maisagawa ang mga programa nito tulong ng mga katutubo.

Nagpahayag ng suhestiyon si CENRO Santos at sinabi na kung pwede ay payagan na ng mga katutubo ang MIBNP-PAMO na mailagay ang mga signages o tanda nito sa pagitan ng MIBNP.

Sumagot si Pasu Aragoness na mayroon silang usapan ng SHBI tungkol sa paglalagay ng signages base sa ginawang pagpupulong sa Bongabong, Occidental Mindoro. Aniya, isa sa naging kondisyon ng SHBI ay ang mailapit ng MIBNP-PAMO ang kanilang hinaing kay RED Claudio at pormal na makausap. Dahil dito, sinabi ni PASu Aragoness na sa tingin niya ay nagampanan ng PAMO ang kanilang ipinangako, kung kaya't umaasa siya na tutuparin din ng SHBI ang kanilang ipinangako. Inihayag din ni PASu Aragoness ang sinsero at seryosong ng pag-tulong na ginagawa ng PAMO para sa pagpaparehistro ng CADT ng mga katutubong Buhid at Bangon.

Sumagot si G. Giayan at sinabing ang mga katutubo ay hindi umaayaw kung nakikita nila na naisakatuparan ang kanilang kahilingan. Sinabi din niya na huwag sana magtampo ang pamunuan ng MIBNP-PAMO gayundin ang buong gobyerno sapagkat naniniwala sila na iisa lang ang kanilang mga layunin.

Sumang-ayon si RED Claudio sa payahag ni G. Giayan at nilinaw na ang mahalaga ngayon ay maumpisahan na ang mga gawain at maiwasan ang ano mang pagkaantala. Binigyang-diin ni RED Claudio na lumilipas ang panahon at ang bawat isa ay tumatanda, at sabay sinabing "Habang may oras, kung ano ang nandiyan na kaya nating gawin, gawin natin".

Nagpahayag naman ng pasasalamat si G. Giayan at G. Pasag kay RED Claudio at sa ginawang pagpupulong. Ayon sa kanila, sa maikling-oras ng kanilang paguusap, naghatid naman ito ng pag-asa para sa kanilang mga katutubo.

C. Pagtatapos ng Pagpupulong

Matapos mapag-usapan at talakayin ang nakahaing paksa, at wala ng ibang paglilinaw, ang pagpupulong ay natapos ganap na ika-10:50 ng gabi.

Inihanda ni :

Sinuri at pinatotohanan ni:


JAYLORD D. EVORA
Ecosystem Management Specialist 1
Mts. Iglit-Baco Natural Park


HECTOR S. ARAGONESS, JR.
Protected Area Superintendent
Mts. Iglit-Baco Natural Park

Attachment 1: Listahan ng mga dumalo sa Pagpupulong



“Meeting with SADIKHABANAN- Buhid, DENR, NCIP, DAR”
Seasons Hotel and Convention Center
October 27, 2022

NAME	SEX	POSITION/DESIGNATION	OFFICE	SIGNATURE
1. CAESAR D. QUEBES	M	CENRO	POPOK, OR-ORIN	
2. RODEL W. BOYLES	M	CENRO	Socorro, Or. Min	
3. EUGENE E. TOLAN	M	OCU, PEARO	Mandana, Or. Mindanao	
4. Legitim Paay	M	SHB	Babjan, Baybay	
5. ERIC TERNAY	M			
6. Julie Reyes	M	IPMR		
7. Mag-ay Ramos				
8. Gawinay Giaman	M	Chairman	Baybay	
9. wanito ufeg	M	Lidir	Natob	
10. ANASTACIO A. GUPIN	M	CENRO	CENRO SABAYAN	
11. DINA IGATE				
12. HARDEE BACABAY	F	ENGINEER III	REGIONAL OFFICE	
13. LOREMELYN V. CUPMORO		RED	DENR-MIMAROPA	
14. JEFFER L. DELOS REYES	M	CENRO	CENRO SAN JORE	
15. Alan L. Talle	M	OCU-PEARO	PEARO OR MBO	
16. HECTOR S. ARAGONER, JR.	M	PASU/Forester III	MIMAROPA-PAMO	
17. Neil Anthony A. Del Mundo		TOP Coordinator	TCP/MIDNUP	
18. JAYLOUIS D. GUORA		EMSL	MIDNUP - PAMO	
19. John Paul Santelices		Planning Officer	MIDNUP - PAMO	
20. Paul Allan Umale		Technical Staff	MIDNUP - PAMO	

Attachment 2: Mga litrato kuha sa ginanap na pagpupulong

